

日本外史補

三好氏  
長曾我部氏

四五

413  
614  
8



413  
614  
3

日本外史補卷之四

三好氏

三好氏出於源義光玄孫小笠原長清。長清父曰

加賀見遠光。遠光長子光朝。次子即長清。生于甲

斐小笠原。大日本史長清次子長房。居阿波三好郡。因

氏焉。自細川氏領四國。子孫世屬其部下。長房後

八世曰義長。義長孫曰之長。後更名長輝。稱筑前

守。三好系圖。讀史餘論。之長更名長輝。據重編應仁記。按三好別記。長清嫡子太郎長經。封阿波。

郡。三好事。細川義春為家宰。初細川賴之之後。世

信濃守義長

孫次郎長房

二郎遠光

大正十五年二月  
花房仙丈郎氏寄贈

民部少輔高國  
又武藏守左京  
大夫

為管領。居京曰上館。賴之弟詮春居阿波。勝瑞曰：下館。義春即詮春裔也。任讚岐守。是時管領細川政元無子。養族政春子高國。又養藤原政基子澄之。皆不中意。以澄之任丹波守護。更養義春子澄元為嗣。澄元稱六郎。以其猶幼。留勝瑞。重編應仁記。養族政

春子高國。據系圖。按二川分流記。藤原政基作藤原尚經。讀史餘論曰。澄元讚岐守元晴子也。又曰。據系圖。觀之。為讚岐守義元子。外史曰。澄元為細川元勝子。又曰。細川賴之二弟詮春滿之。世領讚岐。阿波曰。下館。詮春之後為政春。滿之後為元勝。未詳其所據。分流記曰。澄元為細川讚岐守。慈雲院孫。慈雲院即義春父。成之也。與本書合。可從。

永正二年。長輝與高島

又六郎元長

某護澄元如京師。謁政元。竟留輔澄元。政元為人褊躁。信鬼神說。好潔齋。舉動無常。其宰香西元長。藥師寺三郎左衛門擅權。忌長輝。四年六月。元長與三郎左衛門謀曰。主公近狀如狂。其禍不遠。若六郎代立。長輝必用事。我不得不為之下。不如速行大事。擁立九郎。九郎澄之也。乃誘政元近臣福井四郎。竹田孫七等。覘政元入浴室。弑之。遂攻澄元館。長輝與高島等拒戰。不克。奉澄元走近江。元長等迎澄之。立為主。據嵐山。八月。長輝糾合近江。

伊賀大和河內淡路兵攻破嵐山斬元長等澄之

自殺餘黨悉平。參取分流記。重編應仁記。按重編應仁記。細川澄元。如京師。係永正三年。香西元長。誘政元書佐。戶倉某。現政元入浴。三郎左衛門謀。政元書佐。戶倉某。現政元入浴。室弒之。今從分流記。餘畧同。南海治亂記曰。政元遇害時。澄元在阿波。長輝聞變。發兵奉澄元。攻嵐山。外史據。長輝請將軍足利義澄。以澄元為管領。之。蓋誤。

任右京大夫。而自專其政。削髮號奇雲。三好氏始

盛。既而奈良元吉。伊丹元扶等。嫉奇雲專恣。謀廢

澄元。迎高國於阿波。立為主。請援於大內氏。先是

前將軍足利義植。為政元所廢。奔周防。依大內義

興。義興聞細川氏亂。欲復義植。乃許之。五年四月。

義興大舉擁義植而東。高國將兵會義興于攝津。

奇雲聞之。奉澄元奔近江。據甲賀山。長子長秀。次

子賴澄。奔伊勢。為國司北畠材親所殺。近畿諸城。

皆應義興。六月。義興紗諸軍入京師。足利義澄遁

近江。朝廷奪其官爵。再任義植征夷大將軍。以義

興為管領。重編應仁記。按足利季世記。義興為管領。係永正八年。王代一覽。南海治亂記。並云。永正五年四月。奇雲奉澄元奔阿波。五月。奇雲自將阿波淡路。和泉河內攝津兵二萬。與六角

定賴連和。擊大內義興於京師。不利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

利。自殺于百萬遍寺。外史據之誤。八年七月。澄

下總守長秀

修理進元吉  
兵庫助元扶

右馬頭政賢

上總介義英

元族細川政賢以四國兵來援至和泉擊高國兵走之奇雲與政賢畠山義英等從澄元進入京師

尾張守尚順削髮號下山

義興高國奉義植走丹波既而與六角定賴大友親治畠山尚順等合兵三萬來攻澄元軍小川奇雲與政賢義英拒之于舟岡山大敗政賢戰死奇

雲從澄元脫走歸阿波

重編應仁記舟岡山之役本書舉兩說一說係永正

五年一說係八年諸書多作八年今從之十五年八月大內義興歸周

防細川高國代義興專京師政十六年冬奇雲從

澄元至兵庫攻細川高國將川原林正賴於越水

城高國來救十七年春與高國戰不決既而城中食竭正賴棄城走高國退屯尼崎我兵進攻

高國夜拔營而遁澄元軍伊丹令奇雲追高國高

國走近江奇雲乃入京師意寢驕將士解體五月

高國與六角氏朝倉氏合兵四萬來攻奇雲不設

備香川某安富某等皆叛降高國奇雲戰敗兵散

乃走曇華院請降高國囚奇雲百萬遍寺將釋之

先是奇雲以事殺細川成春成春子尚春降高國

至是欲復父仇請高國圍百萬遍寺奇雲與子長

則長光俱死。澄元得敗報走播磨。遂歸阿波。高國為管領。拜武藏守。長秀之死伊勢也。奇雲以長秀

子元長為嗣。於是元長以嫡孫承奇雲後。稱筑前

守。參取分流記。重編應仁記。按阿州將奮記。三好

別記。並以元長為奇雲子。且別記載三好氏畧

系云。奇雲子三人。曰筑前守。曰宗三。曰笑嵩。而長

秀賴。澄長則長光。四人皆不載。其疎漏不足信也。

六月。澄元卒。季世記。子晴元立。元長輔之。重編應

仁記。按讀史餘論。以晴元為澄元弟。大永元年。細川高國廢足利義植。

迎故將軍足利義澄次子義晴於播磨。立為將軍。

義植奔淡路。重編應仁記。按外史。足利義澄有二

子。長曰義晴。季曰義維。蓋據大系圖。

尊卑分脉。今按平嶋系圖。以義維為義六年。高國

晴兄。與本書合。大系圖等說。恐非是。殺其臣香西元盛。元盛兄波多野植通與弟柳本

彈正叛。起兵丹波。時京師政令大亂。元長聞之。謀

攻高國。以故細川政賢子澄賢為將。十二月。至堺

浦。植通彈正以丹波來歸。七年二月。與高國戰。桂

川破之。高國走近江。七月。元長從晴元圍伊丹城。

不下。十月。高國請援於朝倉氏。將其兵入京師。軍

東寺。及七條鳥羽。元長聞之。解圍。與畠山義英等

俱赴京師。義英與朝倉氏兵戰。不利。元長赴救。殺

四郎左衛門元盛  
備後守植通

彌三郎國扶  
神五郎政長號  
宗三

傷甚多。享祿元年正月。晴元與高國議和。弭兵。守堺城。伊丹國扶以伊丹降。元長族三好政長忌元長威權。與柳本彈正讒之。晴元曰。元長貳於高國。晴元信之。由是和敗。高國奔近江。遂如播磨。請援於浦上氏。二年正月。柳本彈正攻殺伊丹國扶。國扶與元長有姻。元長族三好遠江攻彈正於山崎城。彈正棄城走。枚方。晴元益疑元長。元長怨望。八月。辭歸阿波。參取分流記。二重編應仁記。二年九月。細川高國與浦上村宗合兵。自播磨入

攝津。攻拔富松城。晴元遣兵拒之。大敗。保大物城。十一月。高國攻陷大物城。晴元意悔。召元長。四年二月。元長往謁晴元于堺城。晴元大喜。命拒高國。高國村宗列營天王寺。及今宮。神戶渡邊將攻堺城。三月。細川之持以八千人來援之。持。義春子也。元長合其兵。軍住吉。赤松晴政應高國徵來。軍神咒寺。初。晴政父義村為村宗所攻殺。至是。晴政欲復父仇。陰送款於我。約內應。六月。晴政射村宗營。營中驚。元長進擊。大破之。斬村宗。村宗

左京亮長政

驍將鳴村彈正奮戰。與我兵相搏。投水而死。斬首二千餘級。高國走尼崎。匿染戶壘中。我兵搜獲殺之。重編應仁記。本書赤松晴政作赤松政村。今據赤松記改之。分流記曰。高國匿染戶。三好康長圍之。迫令自殺。高國遂入廣德寺自殺。於是晴元為管領。任右京大夫。元長輔之。居堺城。晴元既滅高國。稍踈元長。而寵木澤長政。長政。畠山義英臣也。倍義英來仕。說晴元攻義英。破之。結三好政長。欲奪元長權。屢譖之。天文元年正月。元長使三好一秀殺柳本彈正。子甚四郎。為伊丹國扶報怨也。晴元聞之大怒。將

豐前守實休  
攝津守冬康  
左衛門督一存

誅元長。元長懼。屏居堺浦南莊。削髮號海雲。因細川之持謝罪。不釋。六月。晴元誘本願寺僧徒。及和泉河內攝津兵。攻海雲於南莊。海雲逸妻子於阿波。而入顯本寺自殺。三好一秀。鹽田若狹等。二十餘人死之。海雲生四子。範長實休冬康一存。範長嗣。幼名千熊。稱孫次郎。重編應仁記。按室町日記。三好別記。作永義。後稱長慶。皆與本書不合。季世記。分流記。實休作之。康從初名也。本書云。實休。初名之。康。後更。義賢。又更實休。初範長母娘。出三好川。浴七夜。祈曰。男乎。執天下之權。女乎。為天子之后。既而產範長。



範長狀貌魁偉有權略南海治亂記細川之持薦範長

於晴元為宰十年九月範長與三好政長波多野

備前等入攝津攻鹽川政年於一藏城木澤左馬

允援政年範長政長解圍退守越水城徵淡路兵

攻拔富松城十二年七月故細川高國遺臣立高

國族細川氏綱為主起兵入堺浦和泉人玉井某

等屬焉晴元命範長伐氏綱八月範長將兵擊玉

井於橫山破之重編應仁記按讀史餘論天文九

起兵圍細川晴元於堺浦晴元遣使召長慶時長慶掌細川持隆兵有威權以父海雲故深怨晴元

高屋城在河內

不肯應召弟實休諫之乃發兵至兵庫守越水城

三好政長迎長慶與俱伐氏綱與本書不合按分

流記氏綱為高國後係天文十二年七月十五日

日與本書合可從外史晴元召長慶係天文十五年

其所未詳十四年夏丹波人內藤顯勝據關城應細

川氏綱波多野晴通欲攻關城來請援範長與三

好政長赴援攻下關城十五年足利義晴右細川

氏綱與畠山政國謀討晴元政國尚順子也承兄

植長後世據高屋城至是遣其臣遊佐長教與氏

綱兵來攻晴元使範長拒之不利徵兵阿波讚岐

淡路九月範長弟冬康以淡路兵來援長教等攻

大塚城。範長與政長冬康救大塚。攝津人三宅某。池田某。並叛應氏綱。我兵連戰不利。大塚陷。十月。範長弟實休將阿波兵二萬來援。我兵又振。將攻義晴。義晴避之坂本。傳職於子義輝。是歲。範長更名長慶。稱筑前守。十六年春。長慶與實休冬康等入攝津。攻拔三宅城。將攻畠山政國。聞足利義晴軍北白川。以應畠山氏。乃勸晴元攻義晴。而自留備氏綱。四月。晴元入京師。軍東山。尋還軍下芥川城。長慶請援於六角定賴。定賴。晴元妻父也。七月。

晴元再入京師。軍相國寺。定賴與子義賢將兵來援。共攻義晴於北白川。破之。義晴尋講和歸京師。是月。長慶與政國戰于天王寺。破之。追入河內。重編應仁十七年四月。與政國和。長慶既壯。屢有戰功。憾三好政長嘗讒殺父。欲除之。乃訴晴元曰。臣父祖世為國盡忠。當先公辭世。君年尚弱。先臣元長輔君。滅高國以報先公之仇。乃為政長所讒殺。今縱不加誅。豈可使其預事。宜速解其兵權。不然。臣不能復戴君也。晴元忌長慶威權。右政長。長慶益

憤怨遂降細川氏綱與遊佐長教等攻政長子政  
 勝於榎並城晴元大怒討長慶徵兵阿波讚岐是  
 時實休掌細川持隆兵持隆之持子也冬康為淡  
 路安宅氏後一存為讚岐十河氏後三弟各以其  
 兵羽翼長慶拒晴元三好氏勢益盛參取重編應  
 仁記南海治  
亂十八年正月長慶發兵縱火伊丹三月攻細川  
 晴賢於中嶋城三好政長適來在城中與出拒長  
 慶擊大破之政長晴賢逃走榎並城晴元在京師  
 赴援入攝津守一藏城五月長慶遣三好長緣擊

日向守長緣

香西元成於西川原破之元成走保三宅城晴元  
 救元成入三宅長慶聞之曰敵萃二城是自送擒  
 也六月長慶將分兵攻三宅榎並聞政長出軍江  
 口乃赴江口與政長相持冬康一存軍三宅榎並  
 間絕糧道諸將慮六角氏援晴元請先其未至攻  
 三宅長慶不從一存以部兵往攻三宅破柵踰壘  
 城垂陷一存曰使右京大夫自殺恐非阿兄意乃  
 留兵備之還赴江口共擊政長斬之政勝棄榎並  
 走晴元亦棄三宅奔京師九月長慶擁細川氏綱

入京師。京師震駭。晴元從足利義晴奔坂本。十九年正月。長慶連下伊丹富松諸城。悉定攝津。遂如京師。五月。足利義晴薨于穴太山中。義輝徙比叡。二十年二月。長慶與足利氏臣伊勢貞教判決畿內政。重編應仁記課京師之民出地子錢。將軍六角義賢遣使來議和。請復足利義輝。二十一年春。義賢再遣使來請和。長慶對曰。臣不敢抗將軍命。特恨右京大夫右臣仇政長。欲誅臣。是以前至此。今臣仇已除。使右京大夫解職。以氏綱為管領。而右京

大夫子聰明承其後。臣則奉命。於是和成。義輝歸京師。晴元送其子聰明為質。削髮匿堅田。長慶寘聰明於越水城。以氏綱為管領。任右京大夫。長慶輔氏綱。擅畿內南海兵。重編應仁記使松永久秀掌京師政。久秀本西岡賈人為。人傾險多智。為長慶所親任。擅威權。南海治亂記四月。長慶自將畧丹波。攻波多野。晴通於屋上城。聞芥川某以芥川城應晴通。乃引兵還攝津。是歲實休弒其主細川持隆。奪其妾。擊不從已者。悉定阿波。自稱豐前守。重編應仁記按將裔

記。天文二十一年八月十九日。三好實休誘細川持隆遊獵。伏兵攻之。從臣奔散。星合彌三郎。蓮池清助。獨留拒之。持隆得間走。見性寺。實休弟十河一存圍見性寺。彌三郎清助赴見性寺。俱奮戰。持隆自殺。二人殉之。分流記。李世記。二十二年七月。並係。天文二十二年五月。蓋誤。

長慶攻芥川。細川晴元潛入京師。說足利義輝起兵。義輝苦三好氏專橫。召六角氏兵。晴元遂焚三好氏第。長慶聞之大怒。與畠山高政合兵二萬入京師。高政。政國子也。晴元從義輝奔近江。長慶再攻芥川。拔之。徙細川聰明於芥川。使子慶興守之。二十三年九月。長慶令三好長緣將兵畧播磨。弘

孫次郎慶興

治元年正月。遣實休再徇播磨。攻三水城。長慶自將繼之。屯大山寺。三水城主別所某降。播磨悉定。永祿元年五月。足利義輝與細川晴元。六角義賢起兵軍坂本。長慶使松永久秀拒之于白河。徵兵四國。六月。義輝軍地藏山。久秀以五千人與六角氏戰。不決。實休將阿波兵。冬。康將淡路兵。並來援。六角氏請和。許之。十一月。義輝歸京師。晴元遁走。長慶還芥川。是歲。畠山高政為其臣安見美作所迫。奔紀伊。美作代守高屋。河內盡附美作。長慶欲

伐美作。根來僧徒應美作。二年五月。長慶遣一存及松永久秀擊根來。不利。六月。長慶自將入河內。美作與野尻丹後等邀拒。七月。赤松氏別所氏率播磨兵來援。八月。長慶率諸軍攻高屋。美作棄城走飯森城。隨而圍之。美作脫身走大和。長慶復高政于高屋。徙細川氏綱于淀。三年正月。長慶攜慶興如京師。謁足利義輝。義輝奏請以長慶叙從四位下。任修理大夫。慶興任筑前守。賜其偏名。更名義長。松永久秀任彈正少弼。久秀讒實休有異圖。長

山城守康長號  
笑品

慶怒欲誅實休。三好康長諫止。四月。長慶如淡路。實休削髮自阿波來謝。長慶待之如初。尋還芥川。畠山高政之復高屋。以湯川直光為宰。直光粗暴貪黷。國人不附。高政復召安見美作。以代直光。長慶聞之怒。攻高政。高政與美作奔堺浦。十一月。長慶徙飯森。使實休守高屋。遣松永久秀徇大和。下澤口萬歲諸城。大和平。命久秀守志貴。是歲。一存。在岸和田。墮馬病創沒。四年正月。長慶義長如京師。謁足利義輝。二月。饗義輝於義長新第。五月。真

富田普門寺在攝津

細川晴元於富田普門寺。七月。六角義賢糾合細川氏遺臣。據地藏山。畠山氏遺臣亦擁高政起兵。紀伊河內兵多應者。長慶聞警。使義長屯梅津。久秀屯西院。以拒六角氏。冬。康守岸和田。以備畠山氏。夏。命實休據堺城。為應援。十二月。高政與根來僧徒入河內。陷三箇城。五年春。高政以二萬人圍岸和田。城中兵寡。告急實休。實休使篠原長房赴援。守岸和田。自將萬人出陣。久米田長房望見出城戰。不利。敵兵進犯實休陣。實休拒戰被割死。軍

教興寺在河內

終大敗。冬。康棄城走飯森。時長慶方會客為聯歌。聞敗自如。松永久秀入援。諫長慶速出兵。長慶曰。討賊之事。一委汝等。吾何必出也。既而義長亦入援。與冬。康等出擊高政於教興寺。大破之。高政遁走。根來僧徒等皆降。重編應仁記。久米田之役。三別記。係永祿四年。事實亦不同。按分流記。永祿五年。三月。三好實休陣久米田。畠山高政與安見美作。根來僧徒合兵來攻。實休先鋒篠原長房擊美作。等走之。追北而進。高政橫衝實休麾下。擊入寡。戰不利。實休被重創死。由是軍大潰。高政遂入高屋。使美作等攻飯盛。安宅。冬。康。松永久秀援飯盛。五月。三好康長襲湯川直光。及根來兵於教興寺。斬直光。斬首六百級。美作等聞之遁去。高政棄

下野守政康號  
鈞閑  
主稅助左通

高屋走堺亦與本書無幾長慶有疾專任久秀久秀威權出三好氏上義長心不平久秀忌義長才望陰謀除之六年八月久秀遂毒殺義長長慶養一存子義誥為嗣任左京大夫爾後長慶悲哀恍惚不復省事是歲細川晴元細川氏綱相尋卒七年夏松永久秀讒冬康有叛心長慶怒殺冬康既而知其無辜恨悔由是疾益劇七月卒年四十三義誥猶幼三好長緣三好政康岩成左通稱三好三黨爭權政大亂重編應仁記義誥一作義次又作義繼邦訓皆通按分流

左馬頭義維  
左馬頭義榮

記以三好日向守政康三好下野守定逸岩成主稅助左通為三黨讀史餘論以三好康長三好政康三好政勝為三黨與本書不合外史以三好康長三好政康岩成左通為三黨未詳其所據實休之死久米田子長治嗣其臣井澤某篠原某專其政成立記按本書細川持隆之遭害其妻大內氏歸周防為尼其妾岡本美作女也義賢納之生二子長曰長治稱彦次郎次曰存保稱孫六郎八年五月松永久秀與三好三黨擁義誥入京師圍足利義輝於二條城義輝縱火自殺重編應仁記初足利義植之奔淡路攜足利義澄長子義維養為嗣居阿波平嶋至是久秀與三黨議迎義維子義榮於阿波欲立為將軍



平嶋系圖足利官位 未至久秀與三黨生隙三黨

擁義誥徙高屋重編應仁記 九年二月畠山高政安見

美作應久秀屯堺浦義誥與三黨擊高政美作破

之久秀赴救度勢難抗請和罷兵六月足利義榮

自阿波至攝津十二月入普門寺十年二月朝廷

勅義榮為征夷大將軍叙正四位下三黨負功驕

恣不禮義誥義誥怒其乳母子金山駿河說義誥

奔堺浦歸松永久秀四月久秀擁義誥據志貴尋

入南都守多門城三黨來攻軍東大寺十月久秀

襲東大寺焚之三黨遁走十一年正月義誥徙津

田使細川藤賢守志貴初足利義輝二弟曰覺慶

為南都一乘院主曰周髡為鹿死寺主久秀殺周

髡幽覺慶覺慶逃走蓄髮更名義昭歷抵諸國遂

依織田信長於美濃九月信長大舉擁義昭入近

江攻六角氏連下諸城京師震駭義誥久秀不能

拒信長長驅入京師攻岩成左通於青龍寺降之

以左通為鄉導入攝津三好政康棄飯森三好康

長棄高屋三好長緣棄芥川皆奔四國攝津河內

諸城悉陷。十月，足利義榮病癰卒。義誥終與久秀等降信長。參取重編應仁記。將軍譜。信長譜。信長割河內封義誥。

及畠山高政，以大和封久秀。信長還入京師，立義昭為將軍，館本國寺，引兵而去。義誥徙若江。重編應仁記。

十二年正月，三好長祿等伺信長不在，自阿波入攝津。松永久秀岩成左通畔應之，入京師圍義昭於本國寺。義誥為義昭妹婿，助義昭擊長祿等。

走之。久秀復降信長。天正元年，信長與義昭生隙，逐之。遂攻義誥於若江城，城中多叛者。義誥自度

不免，登樓櫓割腹死。近臣遊佐與傳焚樓自殺。自

長房起阿波，至義誥十四世，三百八十餘年乃亡。

將裔記。按讀史餘論。天正元年，義誥與松永久秀攻畠山高政滅之。信長大怒，遣兵來攻若江。十一月，義誥臣多羅尾丹波沼左京殺義誥以降。與本書不合。義誥亡後五年，三好

長治為其臣，一宮成助井澤賴俊所弒。阿波大擾。

三好記。土佐國主長曾我部元親乘間數來侵。長治弟曰存保，出繼十河一存後，在堺浦。於是長治族

迎存保為主。據勝瑞，元親畧取大西及重清。存保攻之不克，乃降織田信長。乞救。十年四月，信長使

其子信孝。及丹羽長秀赴援。會信長為明智光秀所弑。不果。元親日夜來侵。八月。存保與元親戰于中富川。大敗。保勝瑞。元親來圍。會霖雨浸城。存保奔讚岐。守十河城。阿波讚岐諸城盡陷。十一年。元親攻拔虎丸。遂圍十河。城中糧竭。不能支。存保潰圍走京師。降豐臣秀吉。及秀吉平四國。封存保於讚岐二萬石。十四年。秀吉將討嶋津氏。先命仙石秀久。長曾我部元親。及存保。率兵至豐後。與嶋津氏戰于戶次川。大敗死之。十河氏亡。

參取十河物語。土佐物語。

松永久秀後義譜之亡四年。而復叛信長。為其攻殺。三好三黨。或降或滅。不詳其所終。信長岡田儔曰。先師於政記。論足利氏君臣曰。細川氏之事。足利氏志不在足利氏。而患已之得失而已。是以其臣之事之者。志不在細川氏。一彼一此。唯已之得失是視。而無所不至者。酷相似也。是豈細川氏之罪哉。足利氏事王家也。爭其兩紵。以優於已。亦由其志不在王家。而患已之得失。其源如此。宜其末流轉相倣倣也。故三好氏之臣之亂。三好

氏猶三好氏之亂細川氏三好氏之亂細川氏猶細川氏之亂足利氏細川氏之亂足利氏猶足利氏之亂王家信哉此言余脩史至三好氏之事廢書而歎焉譬猶與奸奴黠僕俱奪人之財致暴富後又失之於奸奴黠僕何者既已共事則不得不分其利彼挾其功以邀於我我惡其無饜欲除之則爲其所反噬無他以我之致富本出於私也細川氏世奪足利氏之權皆出於私者也三好氏世輔細川氏有共事之功而長輝元長享其利未久

而斃至長慶則懷無饜之欲盡弁其利而奪之者也甚矣天道好還上已無道下轉相倣其禍循環無窮也長慶已廢晴元立氏綱盡除已所憚者以爲天下之事無復足慮無幾松永久秀毒殺義長絕其嗣以奪三好氏之權而長慶飲恨而沒豈非亦倣我之奪細川氏之權也哉

日本外史補卷之四

（此處為多欄空白或極淡文字，內容難以辨認）

五世大岩宗

日本外史補卷之五

長曾我部氏

長曾我部氏出於秦河勝。河勝二十五世之裔曰能俊。自信濃徙土佐。居長岡郡。曾我部因氏焉。能俊後十世曰信能。事足利尊氏。及細川氏。領四國子孫。世屬其部下。為岡豐城主。食邑三千貫。

本書曾我部作宗我部。今據土佐軍記。武德大成記。諸書改之。按土佐軍記。長岡郡有曾我部。香美郡亦有曾我部。在香美曰加香。曾我部。別之。在長岡曰長曾我部氏。本書之說亦然。

其作宗我部者。蓋以會信能生兼能。兼能生兼綱。宗邦音相通。致謬混耳。

左近大夫茂宗 削髮號梅慶

兼綱生能重。能重生元親。元親子曰文兼。當文兼時。足利氏衰。天下爭亂。文明中。一條教房。避京師。亂。挈次子房家。至土佐。將軍足利義政。奏請房家。為土佐國司。治于幡多郡中村。房家幼。文兼翼戴之。與本山安藝大平津野吉良山田六族俱輔政。號七郡司。國內稍治。土佐物語。教房至土佐事。土佐軍記。諸書不載。按應仁外記。應仁之亂。一條房家。與父奔上佐。與本書合。可從。本書曰。七郡司之外。有香會我部氏。片岡氏。中村氏等國。文兼二子元門雄親相繼。至雄親子兼序。驕橫擅威權。永正六年。本山茂宗。嫉兼序專肆。

與大平山城吉良駿河等攻兼序。兼序拒戰。自度不免。託一子其臣近藤某而自殺。中嶋某等十二人死之。土佐物語。按蠹簡集。係永正五年。近藤抱兒年。非也。土佐軍記。兼序作元秀。投房家。房家憫而撫之。兒甫六歲。稱千雄。及長。房家為加首服。命名國親。悉予其舊邑。土佐物語。本翁。土佐軍記作千王。今從蠹簡集。國親名亦有異同。土佐軍記作元國。南海治亂記作元家。恐非。蠹簡集曰。千雄生于文龜二年。以永正五年。投房家。時年七歲。誤也。國親以永祿三年死。年五十七。推而。上之。則永正六年。國親既復。慨然欲復父仇。以茂宗為其首謀。最恨之。而患其多黨。吉田城主吉田

吉田備中守

周孝為人勇而多智。國親欲因以為援，乃通好。妻以妹，密與謀復仇。周孝曰：公欲舉大事，宜先懷人心。國親於是撫循境內，恩惠備至。久之，遠近服從。房家聞之，欲以國親女妻茂宗子茂辰，以解憾。諭之國親，先是國親與香曾我部秀義約婚，且以茂宗為宿仇也。欲辭之。周孝說曰：是可以間彼黨也。願公許之。國親從之。遽倍秀義約，更以女嫁本山氏。秀義怒，將攻國親。周孝為詣秀義謝罪，秀義意乃釋。而深憾茂宗。由是六族互懷危疑。周孝因說

式部少輔茂辰  
出羽守秀義

國親曰：可以舉大事矣。天文十三年，國親發兵攻大津城，拔之。介良下田城兵並起，遮我歸路。國親擊破之。降介良城主橫山某，遂攻下田城。主下田駿河，虐使其民。有一寡婦，其子以逋租見殺。至是，導我兵潛入城，縱火。國親伏兵城外，鼓譟攻之。城兵驚潰。駿河自殺。於是金山十市諸城皆降。香曾我部秀義請養國親子親泰為嗣。國親許之。土佐親削髮號覺世。二十年，攻山田元義降之。土佐

治部少輔元義  
一作丹波守

本書攻山田元義。係天文十二年。蠹簡集。永祿  
 三年五月。覺世納糧於種崎城。潮江海賊掠奪其  
 糧。潮江。本山氏屬邑也。覺世大怒。時茂宗既死。子  
 茂辰聞之大驚。斬賊二人來謝。覺世不釋。謀攻  
 其屬城長濱。初岡豐工人福原某。得罪奔長濱。至  
 是潛來請為內應。覺世遣兵從種崎。乘風雨襲長  
 濱。福原縱火城中。應之。守將大窪某棄城逃。覺世  
 得捷報。自將赴種崎。路聞茂辰來救。乃逆戰。長濱  
 覺世長子元親。長身白晢。美容儀。常沉默居內。不

左京進親貞  
 伊賀守重康  
 備後守親家

與外事。衆輕侮之。曰為處女。覺世不予視之。時  
 年二十二。始從軍。自率二十騎。離本軍而陣。將  
 士皆為之危。覺世望見罵曰。痴漢當餓敵。既而  
 茂辰兵來圍。元親馬上揮槍。大呼殪三騎。而敵  
 兵大至。覺世驚喜。使次子親貞及吉田重康。江村  
 親家赴援。親家驍勇多力。提帆柱衝陣。大破之。茂  
 辰走浦戶。隨而圍之。茂辰遂棄城走朝倉。土佐物  
 語。本書  
作元親年十八。然以元親慶長四年。卒年六十一  
 推之。則當年二十二。故改之。按土佐軍記。長濱之  
 戰。係弘治二年。誤。覺世收兵入種崎。得疾。留兵浦戶種崎。



隳長濱而歸。元親後發，謂眾曰：兵端因潮江賊，他日當先攻之。我將取路宇津山，觀潮江形勢而歸。眾諫之，不聽。率兵三百踰宇津山，土寇百餘自山上投大石巨木。元親怒，勵眾仰攻走之。既上嶺，潮江城在眼下。元親熟視曰：城無人可取也。即下山直破城門而入，果空城也。將士驚歎問曰：何以知城無人？元親曰：城上飛鳥不驚，且土寇之走無一人顧城，吾是以知城無人。將士皆服。六月，覺世疾劇，自知不起，召元親遺言曰：吾欲復父讎，而志不

能遂，汝謹勿忘。言訖而絕。年五十七。按土佐物語

作國親年五十九，非也。余聞諸土佐人，瑞應寺有國親牌主，卒年五十七，可徵。按土佐軍記

覺世已拔長濱，暴病，令嗣子元親守長濱而歸。岡豐疾益劇，自度不起，召元親遺言云：與本

書不四子元親親貞親泰親房元親嗣稱官內

少輔奉父遺訓，屢攻本山氏，下木塚、秋山、森山

諸城，秦泉寺、吉松、稻毛諸族皆來降。九月，元親

遣兵徇土佐郡，使吉田周孝守井口城，谷忠澄

守米本城。忠澄為人機敏，有策略。其兄為僧，曰

非有，為龍本寺主，有器幹，與忠澄周孝參與軍

忠兵衛忠澄

將監親茂

議當是時一條氏衰元親託復讎陰有兼并之志屢略取隣疆而一條氏不能制五年九月元親攻本山茂辰於朝倉城茂辰子親茂勇悍力拒我軍不利退明日復攻城茂辰逆拒之于鴨部死傷甚多元親還軍六年正月茂辰焚朝倉保本山城先是本山氏滅吉良駿河取弘岡至是成兵棄城逃吾川土佐二郡平元親命弟親貞冒吉良氏守弘岡土佐物語按土佐軍記南海治亂記永祿六年元親徇土佐郡攻吉良駿河取弘岡駿河走讚岐與本書不合本書云天文中本山茂宗讓本山城於茂

備後守國虎一作修理虎康政初名兼定後削髮號自得宗性備後守重俊

辰而徙朝倉城朝倉與弘岡接壤茂宗伺吉良駿河遊獵熱殿河掩擊之駿河自殺據此滅駿氏非元親也七年安藝國虎乞援於一條康政合兵來攻康政房家曾孫也時城兵厯五百人元親堅守會吉田重俊自夜須城來援斷敵後元親出城擊破之重俊周孝弟也是歲本山茂辰棄本山保瓜生野元親自將攻瓜生野茂辰窘蹙送致其妻子於我而走阿波土佐物語按山武部係永祿十一年又按土佐軍記永祿五年元親攻朝倉遣使城中說降梅慶即降削髮號宗元梅慶即茂宗號也而又號宗元可十二疑且本書梅慶死于永祿二年故不取

年元親遣使安藝國虎議和。不肯。七月。徇安藝郡。攻下姬倉金岡。遂圍國虎於安喜城。國虎自殺。元親命親泰守其城。土佐物語。按土佐軍記。且云。修理亮棄城走野根。依野根七郎。元親遂圍野根拔之。未知是否。於是并土佐五郡。獨津野氏據高岡郡。屬一條氏。吉良親貞。說元親攻一條氏屬城蓮池。陰招其戍兵。戍兵多送款者。元龜元年十一月。親貞襲蓮池。城兵走保戶波城。親貞遂攻下戶波。津野勝興懼而降。請養一子為嗣。元親使第三子親忠嗣津

孫次郎親忠

野氏。天正元年。元親既滅六族。康政僅保幡多一郡。而耽宴好內。其老土井宗二諫之。康政怒殺宗二。於是老臣安並某為松某羽生某。覲康政遊獵。要之讓政嗣子內政。既而安並等聞康政怒欲誅己懼。通款於元親。圖康政。明年遂逐康政。康政奔豐後。依大友氏。元親徙內政於大津。以女配之。國中悉屬元親。後康政入伊豫。舉兵來討。尋為舊臣入江左近所給弒。土佐物語。按土佐一條譜。鑑女也。天正五年。康政為元親所追。薙髮奔豐後。依大友氏。又按土佐軍記。元親既滅六族。謀除康

政而康政耽宴自如其老土井宗算諫之不聽元親因問之詐修好宗算數遣使贈遺康政果疑宗算與元親有私殺之群臣皆危懼元親又誘殺康政老臣安並和泉為松若狹由是叛者相繼康政乃奔豐後依大友義鎮義鎮其妻父也後康政入伊豫舉兵舊臣多來屬者元親聞之誘一條氏舊臣入江左近給紙康政並與本書不合錄以備考

是時織田信長定畿內

宇喜多直家據備前美作元親求好二氏以自固

而阿波有三好氏讚岐有香川氏香西氏伊豫有

河野西園寺宇都宮諸族兵爭不絕元親窺間欲

并四國土佐三年三好氏臣一宮成助來通款阿州

鳴親房稱彌九郎

將裔八月元親自將略阿波初元親弟親房有疾

海部屬阿波

就醫京師路泊海部為其戍將海部越前所殺至是欲先攻海部以修宿憾進陣宗喰越前邀拒元親擊走之遂攻海部越前棄城逃日和佐椿泊皆降使香曾我部親泰守海部四年春略伊豫宇都官元綱臣菅田直之據大津城與佐久間安房相攻元綱方與河野氏構兵不能援直之直之來乞救元親遣兵助直之攻安房於鍛治城拔之八幡城望風而潰今直之守二城土佐夏阿波大西覺養以大西來降質其弟上野既而叛附三好氏諸

上野初稱七郎兵衛

羽久地屬阿波  
三好郡  
雲邊寺在讚岐  
阿波界

將請殺其質。元親曰：質子何罪？釋之。上野感激，請自效。五年，一宮成助弒其主三好長治。阿波大擾。元親以大西上野為鄉導，攻大西。覺養致城而遁。以其邑予上野，尋召還覺養。城羽久地置戍，遂登雲邊寺。寺面伊豫讚岐。元親慨然指之曰：豫讚在我掌中矣。參取土佐物語。南海治亂記。按土佐軍亂記，以為覺養子。元親記並以大西上野為覺養甥。治今從物語。三好記。六年，十河存保攻一宮成助於一宮城。成助走大栗山。存保長治弟也。為十河一存義子。長治死後，其族迎存保立為主。據勝瑞。將

山城守康長號  
笑崑

記大西上野下重清使覺養守之。既而為存保所攻陷。阿波諸城多應存保。元親自將自大西攻重清。存保來救。元親擊走之。遂攻岩倉。岩倉三好康長屬城也。其子式部以城降。康長在河內，訴之織田信長。信長移書元親曰：阿波讚岐伊豫皆我之隸。汝謹勿犯。若敢犯，吾必加兵于汝。元親不聽，遣大西上野說降伊豫河江城主妻鳥氏。新居宇摩諸郡皆降。南海治亂記香川信景據西讚岐四郡。與十河存保善。既而生隙。元親聞之，招降信景。信景請

養元親子為嗣。元親大喜，使次子親和嗣香川氏。七年春，元親畧讚岐，圍財田城。城主財田佐兵衛，衝圍出戰，橫山源兵衛與格鬪，斬其首。佐兵衛臣小森菊之丞，刺殺源兵衛，奪主首，投之火中而逃。源兵衛子源三郎，追斬菊之丞，獻其首。元親賜以父邑，遂攻羽床氏，降之。土佐物語。元親賜源三郎以父邑。據土佐軍記。是歲三好、式部誘殺存保三驍將，存保勢益衰。於是元親并阿波七郡，威震四國。南海治亂記。八年五月，波川玄蕃謀反，伏誅。玄蕃，元親妹婿也。流言一條嗣

君同謀。元親怒，放內政於伊豫法華津。一條氏亡。十河存保攻讚岐藤目城，城將齋藤政賴告急。元親遣兵赴援，不克，城陷。政賴遁走。元親自將攻取之。納政賴土佐使一將率萬人助一宮成助攻下一宮城。納成助將齋大西當阿波讚岐界，其險可守。而僂於出兵。元親因以為根據，築壘于西長尾，置兵以通大西。羽久地糧道。九年春，三好康長入阿波，復其邑。美馬三好子式部以岩倉叛，應康長。康長與香西某扼綾坂。元親在西莊，留香川信景。

水津屬阿波

而還大西。七月，十河存保募讚岐阿波淡路兵一萬，與康長圍西莊。信景棄城走。織田信長使仙石秀久援存保，徇淡路。羽柴秀吉運糧於水津。是時，河野通直與宇都宮元綱戰不決。元綱使菅田直之來乞援。元親將攻河野氏，使一將助直之守大津。而大西上野自喜多、久武內藏助自宇和二道迫之。通直乞救於安藝毛利氏。毛利氏以兵一萬赴援。圍元綱于興居嶋，攻陷大津。直之戰死。元親不敢援。元綱竟降毛利氏。毛利氏引去。元親聞之

乃出攻興居嶋。元綱棄城逃。通直走來嶋，乞降。通

直先曰：通盛事足利尊氏，授伊豫守護，世為著姓。

至是而亡。伊豫悉平。南海治亂記：通直先通盛事足利氏。據大日本史。本書通

直作通昌。元綱作豐綱。興居嶋作松山。今據土佐軍記改之。按土佐物語：天正九年四月，元親命久武內藏助親直率七千人畧西伊豫。從美間攻岡本城。不利。中丸死。而通直之降，係天正十一年。土佐軍記內藏助戰死，係天正五年。攻宇都宮。元綱係天正八年事實，亦不同。仍俟後考。 十年

四月，織田信長聞元親荐滅隣國，大怒，遣其子信

孝及丹羽長秀來攻。次和泉。三好康長為先鋒。攻

一官巒山下之會。信長為其下所弑。信孝長秀路

還軍康長奔河內元親聞之大議進取八月自將入阿波與十河存保戰于中富河大破之存保走勝瑞隨而圍勝瑞不下九月霖澇浸城存保奔讚岐守十河城元親既下勝瑞諸城望風解散七佐按土佐軍記中富河之戰係天正五年八月誤三好康長之入阿波也有告一宮成助及富岡城主新開道善通康長至是元親誘殺二人將喬記令江村親俊守一宮東條關兵衛守水津阿波悉定十月元親自將攻存保於十河城不下十一年春再畧讚岐拔虎丸城分兵

徇引田仙石秀久援存保至引田逆戰我兵不利元親聞砲聲赴援擊破之秀久遁去遂圍十河城存保潰圍走京師讚岐平元親自起兵二十四年而并四國土佐物語按虎丸城及存保走京師據十河物語本書按虎丸城係天正十年誤十二年羽柴秀吉與織田信雄構兵於尾張紀伊雜賀及根來僧徒並應信雄欲夾攻秀吉來請援元親遣香曾我部親泰將兵二萬赴援聞信雄與秀吉和乃止土佐物語十三年秀吉平紀伊將征四國元親欲邀拒之于和泉谷忠澄說曰秀吉



大舉。國家存亡決於此矣。臣請先見秀吉。請和以緩其事。觀釁而動。未晚也。元親從之。忠澄乃往見秀吉於堺浦。曰。弊邑以兵亂故。絕使聘。非敢有他。君若有事於四方。寡君舉四國兵爲前驅。秀吉讓曰。汝主橫奪四國。罪當誅。今以其來謝。特宥之。速可致伊豫讚岐。不則大兵臨汝疆。忠澄復命。因勸元親削二國結和。元親怒曰。吾百戰取四國。今無故付之他人。人謂我何。若以弓箭失之。非所悔也。不聽。南海治亂記秀吉使弟秀長甥秀次將舟師五萬。

自阿波毛利氏將吉川元春。小早川隆景。自伊豫。宇喜多氏兵自讚岐。並來攻。元親命嗣子信親留守。而自軍羽久地。遣諸將四守疆上。以一宮當敵衝。使忠澄助江村親俊拒守。秀長秀次攻水津。東條關兵衛棄城走。有告關兵衛通于敵。元親誅之。秀長進圍一宮。阿波諸城多叛者。伊豫金子石川諸城亦爲元春隆景所攻陷。元親計築壘于讚岐。植田置羸卒以誘敵於險。而間道自羽久地夾擊。宇喜多氏監軍黑田孝高覺之。與宇喜多氏兵赴

阿波與秀長合兵攻一宮親俊忠澄堅守秀長遣使城中議和忠澄自度衆寡不較乃如羽久地勸元親和元親不肯衆交諫之乃因秀長謝罪秀吉怒其不亟降削阿波讚岐伊豫土佐物語元親築壘于讚岐植山誘敵據南海十月元親如京師謁秀吉及進見元親治亂記昂然注目秀吉不轉視其意有變欲刺之也秀吉溫言待之以故不發既辭出左右笑其不嫻禮節秀吉曰否吾視渠眼光殊可畏也是歲秀吉任關白夏姓豐臣十四年正月元親如大阪謁秀吉秀

吉俱登天主閣厚饗之

土佐物語

拜從四位下侍從

南路

志按土佐物語係天正十六年誤

秀吉將討嶋津義久九月令仙石秀久十河存保及信親率兵赴豐後援大友氏

元親助信親俱往臨發秀吉誡秀久曰義久若不  
服且勿與戰以俟我至秀久先遺書義久致秀吉  
命促其入朝義久不聽使其弟義弘家久將兵並  
進入豐後十二月家久攻鶴城元親與秀久存保  
助大友義統拒之于戸次川秀久欲濟而戰元親  
曰敵兵甚銳且恐南岸有伏不如待敵濟而邀擊

秀久以引田之役與元親有隙不聽曰公不欲戰  
 吾欲獨戰乃亂流而進元親不得已與信親俱進  
 果遇伏銃丸雨注我軍大敗存保死之秀久義紘  
 脫身走家久縱兵追擊信親留戰揮薙刀斬二十  
 餘騎而死元親欲親決戰十市新右衛門諫之乃  
 以殘兵數十騎走上原遂抵伊豫不敢歸國秀吉  
 怒秀久違命奪其封元親以信親死宥罪明年春  
 從秀吉伐義久義久降七月歸上佐參取土佐物  
語南海治亂  
記按二書秀吉以元親伐島津氏功加封大隅元  
親愧前敗辭不受可疑嶋津氏之降秀吉使囚故

上領薩隅日恐  
無賜元親之理

十六年四月

後陽成天皇幸

聚樂第元親從秀吉扈衛是歲元親徙大高坂信  
 親歿後元親悲哀踰歲未立嗣庶子香川親和津野  
 親忠並為衆所服而元親獨愛少子千熊嬖臣久  
 武親信希意數稱千熊賢於是元親欲立千熊為  
 嗣妻以信親女召將士議之吉良親實諫曰立嗣  
 以長禮也香川氏年最長次當立即有不當立津  
 野氏在焉且以姪配叔奈人倫何比江山親興亦  
 爭之元親不懌而罷親信素與親實有隙譖之曰

左京進親實親  
貞子也

掃部助親興

市左衛門政重

香川津野皆非負荷之器而親實等欲立之其意不可測矣元親信之乃殺親實親興遂立千熊為嗣命名盛親十八年秀吉討北條氏元親與加藤嘉明將水軍屯佐川口沿海有一寨元親與嘉明以巨艦攻拔寨土佐物語按元親記小田原之役元親戰艦號大黑丸艦極大櫓夫三百人過伊豆崎諸軍皆觀之秀吉遣使褒之文祿元年秀吉征朝鮮元親與生駒親正將第六軍秀吉譜率三千人航海四月朝鮮兵艦數百艘抵熊川元親與加藤嘉明協坂安治等攻之元親臣香會我部親氏吉田政重

等奮戰奪虜哨船焚巨艦三艘二年從元帥宇喜多秀家攻晋州拔之是役慶州將朴好仁來援入城守禦甚勉及城陷潰圍走吉田政重生獲之元親以好仁歸土佐以其有將材遇之以賓禮土佐物語本書曰朴好仁子孫改稱秋月氏其餘所俘獲八十餘人元親憫之賜宅地居之皆敗鬻為業所居稱唐人慶長二年和議敗再航海與藤堂高虎等將第六軍八月從宇喜多秀家攻下南原進下全州三年六月元親與諸將歸自朝鮮謁秀吉秀吉譜四年春元親拜正四位少將為土佐守五月得疾

卒年六十一。土佐物語。按蠹簡集。四月。元親如京師。得疾。五月。卒于伏見邸。盛親

嗣當是時。秀吉既薨。子秀賴幼。東照公代決天

下政。五年。公東下討上杉景勝。盛親遣使送款

公。尋發軍。而石田三成起兵關西。遏我使者。以

要盛親。盛親乃應三成。與宇喜多秀家等攻伏見

城。拔之。八月。下阿濃津。遂赴關原。軍南宮山麓。會

小早川秀秋等應東軍。西軍大敗。盛親不戰而走。

入多羅尾山。經伊勢伊賀。至和泉。欲與毛利輝元

俱拒東軍。抵大阪。聞三成等已被捕。輝元乞降。乃

航歸土佐。遣使就井伊直政謝罪。土佐物語東照公

特釋之。令直政趣盛親來謝。盛親將赴大阪。久武

親信說曰。津野親忠雅歸心內府。且與藤堂高虎

善。高虎推引。恐割本州予之。不如先除之。而後就

召。盛親然之。逼親忠自殺。十月。盛親至大阪。寓天

滿學校寺。公優容之。使居伏見故第。關原記大

物語。久武親信勸盛親殺津野親忠。盛親不從。親信乃矯命。迫親忠自殺。又云。東照公命盛親使

居大阪第。與召藤堂高虎。問津野親忠何在。高虎

具白以見殺之狀。公大怒。褫盛親封。罪當死。直

政為請哀。自詣盛親第。諭曰。主公怒不可回。當以本州付我。盛親乃致封。大全。土佐物語。寓京師。削髮號祐。夢大阪之役。所司代板倉勝重慮盛親有異圖。遣兵監館舍。盛親請勝重曰。僕與淺野氏有舊。願如紀伊。立功償罪。不聽。會豐臣秀賴密遣使招盛親。許以復舊封。盛親即夜潛入大阪。秀賴大悅。賜印章。使其招四國兵。大成記。按土佐物語。甲寅之役。盛親見所司代板倉勝重曰。聞有事于大阪。僕願効力行間。以償罪。勝重曰。主公不日當發駕。我將為子請之。盛親陽喜謝去。於是招平日所交市人。置酒極歡。眾既散。即夜盛親明潛乘輕舸直赴大阪。與本書不合。書以備考。

仁右衛門高刑  
勘解由氏勝

年五月。東將藤堂高虎。井伊直孝。入矢尾久寶寺。秀賴使盛親及木村重成。各將萬人拒之。重成陣若江。拒井伊氏。盛親陣矢尾。上隄望藤堂氏旗。乃潛伏隄下。高虎前軍將藤堂高刑。桑名一孝。藤堂氏勝等馳迫。盛親乃起。大呼擊走之。重成游兵亦來援。獲高刑一孝等。一孝稱彌次兵衛。故長曾我部氏臣也。從軍屢有功。盛親禡封後。散遣將士。一孝去仕藤堂氏。及盛親應大阪。舊臣多來屬者。獨一孝不來。人或問其故。對曰。既已委質事人。而又

背之不義。我有一死。以報新主之恩。且成故主之名。至是果致死。我軍既克。盛親縱兵追擊。會高虎將渡邊掃部。細井主殿。橫衝我軍。盛親與接戰不利。藤堂高吉渡邊了。繼來戰。我軍終大敗。重成亦為井伊氏所破。戰死。盛親與真田幸村等。自平野退入城。明日出拒京橋口。望城中火起。乃棄旗走入幡。從兵盡散。獨與近習二人。伏葭葦中。城陷後。四日。為蜂須賀氏臣長坂某所擒。斬于二條磧。取

土佐物語。難波戰記。元和先鋒錄。按難波戰記。矢尾之戰。盛親獲藤堂勘解由。取其曹置諸左右。感

其勇也。及被囚。託守兵。遺之勘解由家云。今按先鋒錄。勘解由與元親姪主水鬪。被殺。子小大夫。年十六。刺殺主水。取父首還。事平。高虎論功。屬高刑一孝等者。以其將為敵所獲。賞不及。獨屬勘解由者。以復其首得賞。據此。則難波戰記之說。誤。按烈祖成績分注。載浪花戰記之說。曰。七日。秀賴使盛親守京橋口。是日。城兵戰敗。逃亡相繼。盛親子右衛門太郎。年十三。中夜逃出。盛親不忍棄亦走。欲歸土佐。道梗塞。乃匿八幡村里。蘆葦中。有人告之。伏見。松平隱岐守。設計捕之。右衛門太郎走至良岑。被捕。與難波戰記。涪水。聞見錄。諸書不合。蓋誤。

岡田僑曰。長會我部兼序。以專肆亡其身。國親以其遺孤為一條房家所庇。遂復舊邑。乃負恩擅起兵。擊六族。而元親又託復讐。并吞其國。其罪固不

容誅也。而一條氏之所以得禍者。蓋亦有自取焉。自古小人得寵於君。徃徃馴致篡奪之禍。而其初未必不起於忽微也。人君已不慎之於初。及其勢不可制而悔焉。亦已晚矣。房家不懲兼序之專。而庇國親者。蓋以文兼嘗有翼戴我之功。欲存其後耳。苟欲存其後。豈無處之之道。乃過寵以驕其心。予之邑以益其勢。是猶傅虎翼也。及其加兵於六族。一條氏悔之。而其勢既成。不可復制。無他。不慎之於初。其取滅亡固宜也。余嘗論長曾我部氏之

於一條氏。猶宇喜多氏之於浦上氏。皆怛恩以致反噬也。宇喜多能家爲嶋村豐後所殺。浦上宗景召其孫直家寵之。使其殺豐後復祖讐。割其邑予之。於是直家翹然自恣。盡除己所忌者。遂弑宗景。奪其國。國親不遂其志而死。雖未至如直家弑逆。而元親續成父志。盡滅六族。迫逐其君。有酷肖焉者。蓋宗景房家之於直家。國親其初皆小兒畜之。其意以謂我撫而育焉。何敢負我。不知彼皆懷豺狼無厭之心。非盡奪其國則不已。而二君者。不自



意其禍之至於此也。房家本肉食紈袴。其子孫皆務安逸。非有治國經世之才。其孱懦與宗景等耳。則其取禍固不足異焉。獨恠直家元親皆犯篡奪之罪。而脫天誅。全首領。可謂之有天道耶。然庚子之役。其子秀家盛親皆應西軍。失其國。一傳而絕祀。識者以爲其父積惡之報。則天道之好還。果可不懼哉。

日本外史補卷之五

早稲田大学図書館

011688999580